

Dedica a la "proloco"  
Care Pro Loche, Cari Pro Lochi,  
Si, ze vero, desso semo pochi,  
ma finalmente se ghemo trovà  
perché na gran squadra semo sempre stà.  
No lo voessimo, se sa, qualche amigo no el ze sentà qua,  
però per seguro nisun lo ga desmentegà.  
Par coerenza de quela sana compagnia  
femo festa anca per lori in ostarìa.  
Par diritto de paronanza e che no me vegna mal de panza  
sia fato un gran e dovudo ringraziamento  
al presidente de quel super-speciale bastimento.  
Co Ludovico e sta squadra de ragassi  
Noale ga mosso i so primi grandi passi:  
de prestigio a ze cresuda a livello regionale e po' anca nazionale  
e lu no contava tante bale.  
Co un diretivo che se pol definir superlativo  
ze sta fato progeti de gran gusto e anca squasi tuto giusto.  
Certo la fadiga no la ze mancada, ma na soluzion a ghemo sempre trovada.  
Ognuno faseva del so mejo pa el paese e senza tanto rimborso spese,  
ma solo par na sbrancada de sareze.  
hi curava el bilancio co precision e chi fazeva el cassier o el  
Babo Nadale per passion;  
Chi se sfogava par passion co le litanie tute le 'Pifanie,  
imbastendo sublimi panini e risoti co le Marie;  
chi strombazava col camion grosso su e zo pal Borgo medioevale  
imbastendo misure e progeti intorno a Noale.  
Poche ciacole e tanto fare,  
eco che qualche altro el camion verdo saveva domare e na sagia soluzion sempre trovare.  
Festa no jera a Nadale se mancava un gastronomo ufficiale  
o senza de quello che dizeva de lavorare pa el giornale  
e iluminava de strene e lampadine el nostro canale.  
Pregi e difeti tuti li gavevimo, ma de metarse in zogo noialtri lo savevimo.  
E chi mai osaria contraddir la parola mia?  
Jerimo za a l'avanguardia e senza semenar tanta discordia,  
Gavevimo un informatico che sbaracava i capanoni  
'pena finidi i gran festoni.  
Qualcun fazeva da segretario anca quando jera un gran calvario.  
Ma se jerimo na squadra fora da l'ordinario  
jera solo par un suportò de femene straordinario.  
E co bon gusto, in cuzina e sartoria, ogni opera ze stà compia.  
Co spirito de servizio e disponibilità nisuna de le nostre compagne se ga sparagnà.  
Magari unquò a Pro Loco a ze cambià e miga a tuti la ghe piazarà.  
Ma qua con gran sportività, ghe auguremo na profiqua attività,  
savendo che el ben fato nel passà  
chi che conta no lo scordarà.  
E gnanca noialtri se podemo desmentegare  
le gite fate, co soto el brasso "Contesse e Boari" a farghe sognare  
de un mondo più poareto, ma forse pì sc-eto.  
Se co gusto qua se ghemo trovà a pasar do ore,  
ze par i bei ricordi e tuto el so calore.  
E par finire in alegria, eviva noialtri e la compagnia slargada,  
sperando che qualcun gabia sempre voja de continuar 'stà strada.  
Nadia Libralato 23-10-2025